

特約 香港新界風土名勝大觀 江山故人

(二二) (禁止轉載)

第三章 南部寫真

③ 深井

深井去汀九之西南一英里半。村居集於青山道之北。由西而東。山脈綿延。計有圓整山。清溪堂山及獺狗山。聯屬如圍屏。該村臨其麓。形勢至佳也。村東有大涌。發源於清淨堂山而入於海。青山道至此。建橋其上。長六十尺。青山道之南。有香港啤酒廠及香港桔水公司。佔地最廣。規模至宏。又建自用碼頭。以利輸運。其南與馬灣島相距。約有一英里。

之三份二之遙。涌流即經其側。涌口坭石錯雜。廣百餘英尺。風景之美。不及其上。游。青山道之旁。有發利深香園廣記三間雜貨店。發利兼營茶市。臨涌之右。備三數椅桌。過者憩此。稍試山茶。小廬一角。風光無限也。涌左建洋樓一楹。內設深井衛生司署及律敦治醫所。並有女護士駐此以管理之。贈醫時間為星期一至五三日。村民多傳姓。約有二十餘家。乃清溪堂傅氏支族。其家祠則在清溪堂村也。又

有文通書室。讀者十五六人。中有來自青龍頭者。課程辦至初小。港政府每年有九十元津貼之。

④ 青龍頭

青龍頭在青山道十四英里路程碑附近。東北去深井一英里餘。西距大欖涌二英里。居圓墩山之東南麓。東北有山曰青龍山。為圓墩山支脈。高數百英尺。山形如龍。其頭止於海濱。故村人名曰青龍頭。村人言。青山道開闢至此。橫過龍頭。已斷其頭也云。是說雖近迷信

然觀山之形勢。蓋甚類也。沿岸有大灣。曰白沙灣。海難延長至半英里。南對大嶼山。東北部山脈。東南望汲水門。水流洶湧。至白沙灣則成怒潮。潮之進退。迅速無定。因海岸之形勢。激成排浪。捲伏濺射。聲勢雄壯。如萬馬之奔騰。此海灘雖潔白。亦不能在此游泳也。村居咸在青山道之北。居民有鍾羅張等姓。都十餘家。鍾姓乃自圓墩村遷來者。迄今數十年矣。

(未完)